

Lu veru sapuri di na vasata

Cci su vasati e vasati.
Cci si vasa pi tanti occasioni.
Cci si vasa pi salutu,
pi ccu parti e pi ccu è arrivatu.

Cci si vasa tra patri e figli,
tra zzii e niputi,
tra cuscini, amici e parenti,
ma su vasati ntifferenti.

Cci si vasa tra zzitu e zzita,
tra maritu e muglieri,
chissi su cchiù arduosi,
ma certi voti nun su veri.

Cci si vasa tra aduliscenti
e già s'addiviglianu li sentimenti.
Cci si vasa tra amanti
e già cumencia a éssiri cchiù piccanti.

Ma lu veru sapuri di na vasata
é tra du canuscenti,
di chiddi ca di li du
nun si sapi nenti.

Piglia un sapuri accussi duci e particolari,
pinzànnucci ora, mi veni ancora di trimari.
Sapi di meli prigiātu e supraffinu,
gustu e profumu di sciuri di gelsuminu.

Vasari li to labbra,
ntisi la frischizza di na cascata,
ntisi lu focu di un vulcanu,
ntisi la forza di l'éssiri umanu.

Chistu è lu veru sapuri di na vasata,
quannu si senti di li to labbruzza
lu sciātu, lu sapuri, lu profùmu,
l'ardiri e la passioni nni un tutunu.

Li to labbruzza frischi, morbidi e siducenti
su ncisi nni la me vucca e nni la me menti.